

Euskal Herriko Ahotsak  
ahotsak.com

*Maria Angeles Domenech Arrieta*

*Azkoitia,  
Gipuzkoa  
(1940)*

Aurkibidea



## Biografia



Eper kalean (Aizkibel kalea)  
jaio zen 1940an. Aitaren  
aldeko amama, Eustakia  
`Erribera`, Bartzelonara joan  
zen neskame eta katalan  
batekin ezkondu zen;  
harengandik datorkie  
Domenech abizena. Aita han  
jaioa zen, nahiz eta gero  
Azkoitira joan ziren bizitzera.  
Ama, berriz, donostiarra zen.  
Bederatzi anai-arreba izan  
ziren. Amamak martxan  
jarritako negozioari eutsi  
zioten urte luzez eta  
denetarik saldu izan zuten  
herrian oso ezaguna zen  
dendan: gozokiak,  
egunkariak, fruta... Erroskilak,  
txurroak eta karameluak  
etxean egiten zituzten.  
Mendizaletasuna ere  
aitarengandik zetorkien eta  
anai-arreba guztiak asko joan  
izan ziren mendira ume-  
umetatik. Euren dendan  
jasotzen zuten Anaitasuna  
Mendi Bazkunako kide izateko  
kuota eta mendi-ibilaldi  
guztietan parte hartzen  
zuten. Mendi garaietako  
kanpamentuetara ere joaten  
ziren eta Europa osoan zehar  
ibiliak dira. 19 urterekin,  
1959an, Mendi Galdua igo  
zuen lehen emakume  
azkoitiarra izan zen. Leize-  
zuloetan sartzea eta pixka  
bat eskalatzea ere gustuko  
zuen. Eskiatzera ere asko  
joaten ziren. 1960an  
Donostiara joan zen bizitzera,  
osabarena zen Arrieta  
gestorian hasi baitzen lanean.  
Bolada batez Maria Diolores  
Agirrerengana ere joaten zen  
euskarazko eskolak jasotzera.  
Gaztetatik izan zuen  
argazkiak ateratzeko  
zaletasuna eta ahizpa  
gazteagoari pasa zion gero  
zaletasun hori. [Maria Jesus](#)  
eta [Mari Consuelo](#) ahizpekin  
batera egin zitzaion  
elkarriketa (Encarna eta  
Salvador anai-arrebak ere  
bertan zeuden).

# Zintak

## AZK-069

- **Proiektua:** Azkoitiko ahotsak
- **Elkarrizketatzailea(k):** Agirrebeña, Aintzane
- **Data:** 2020-07-28
- **Iraupena:** 57 min
- **Euskarria:** Bideo digitala
- **Kodifikatzailea:** Agirrebeña, Aintzane

## AZK-070

- **Proiektua:** Azkoitiko ahotsak
- **Elkarrizketatzailea(k):** Agirrebeña, Aintzane
- **Data:** 2020-07-28
- **Iraupena:** 55 min
- **Euskarria:** Bideo digitala
- **Kodifikatzailea:** Agirrebeña, Aintzane

## AZK-073

- **Proiektua:** Azkoitiko ahotsak
- **Elkarrizketatzailea(k):** Agirrebeña, Aintzane
- **Data:** 2020-08-04
- **Iraupena:** 40 min
- **Euskarria:** Bideo digitala

# Pasarteak

## 1. Erlijioaren indarra eta debekuak; kongregazioa

- **Erref:** AZK-069/002
- **Iraupena:** 0:02:18. **Hasi:** 00:01:35. **Bukatu:** 00:03:53
- **Multimedia:** bideoa online ikusgai

### Gaia(k):

- Ohiturak eta bizimodua » Erlijioa » Kongregazioak
- Ohiturak eta bizimodua » Erlijioa » Elizaren indarra

### Laburpena:

<p>Jesuitek agintzen zutela Azkoitian dio. Debekuak. Dantza eginez gero, kongregaziotik botatzen zituzten. Eskolara joaten ziren guztiak izaten ziren kongregazioko kide. Abadea eskolara joaten zen "ejerzizioak" egitera. Beraiek ez zutela kongregazioko kide izan nahi erabaki zuten eta abadeari esan zioten. Beste abade batek esaten ziena: "Pecadora, alerta, que la muerte se acerca..."</p>

## 2. Euskaraz egitearren, isuna ordaindu behar eskolan

- **Erref:** AZK-069/003
- **Iraupena:** 0:01:04. **Hasi:** 00:03:53. **Bukatu:** 00:04:57
- **Multimedia:** bideoa online ikusgai

### Gaia(k):

- Euskara » Euskararen egoera

- Ohiturak eta bizimodua » Hezkuntza » Mojak

#### **Laburpena:**

<p>Eskolan erdaraz hitz egin behar. Euskaraz eginez gero, isun modura, dirua eraman behar izaten zuten. Berak mojari garbi esaten zion ez zuela dirurik eramango. Amarekin erdaraz egiten zuten, baina bestela beti euskaraz. "Se&ntilde;oritak" edo emakume aberats antzekoek erdaraz egiten zuten, dotoreagoa zelakoan.</p>

### **3. Euskaldunen azentuaz harro**

- **Erref:** AZK-069/004
- **Iraupena:** 0:01:35. **Hasi:** 00:04:57. **Bukatu:** 00:06:32
- **Multimedia:** bideoa online ikusgai

#### **Gaia(k):**

- Euskara » Euskararekiko sentimendua
- Familia eta harremanak » Herriko giroa » Herriaren nortasuna

#### **Laburpena:**

<p>Donostiako Arrieta gestorian lan egin zuen hogei urtean. Hango langile bat Valladolidekoa zen eta gaztelaniaz hitz egitean azentua zuela esaten zion Maria Angelesi. Euskaldunoi barre egin izan digutela dio. Eskiatzera edo mendira joaten zirenean ere jendeak igartzen zien euskaldunak zirela.</p>

### **4. Gaztetatik mendira; Europa osoan zehar**

- **Erref:** AZK-069/005
- **Iraupena:** 0:01:46. **Hasi:** 00:06:32. **Bukatu:** 00:08:18
- **Multimedia:** bideoa online ikusgai

#### **Gaia(k):**

- Aisia » Mendia eta hondartza » Mendizaletasuna
- Ohiturak eta bizimodua » Jantzi eta orraztu » Arropa eta oinetakoak

#### **Laburpena:**

Gaztetatik mendira joan izan dira batera eta bestera. Etxean ez zieten inoiz debekatu hala ibiltzea. Maria Jesusek gidatzeko baimena atera zuenean, Europa osoa pasa zuten. Mendiko botak eta motxila beti aldean eramaten zituzten badaezpada. "Montaña sagrada"n egon ziren. Lehenengo botak Chiruca markakoak; aurretik abarkekin eta ferradun botekin ere ibiltzen ziren.

### **5. Aita mendizalea; zaletasuna ingurukoei kutsatu**

- **Erref:** AZK-069/006
- **Iraupena:** 0:02:34. **Hasi:** 00:08:18. **Bukatu:** 00:10:52
- **Multimedia:** bideoa online ikusgai

#### **Gaia(k):**

- Aisia » Mendia eta hondartza » Mendizaletasuna
- Ohiturak eta bizimodua » Kontakizunak eta sinesmenak » Anekdotak, kontakizunak
- Familia eta harremanak » Lagunartea eta familia » Etxeko giroa

**Laburpena:**

Aita zen mendizalea. Ama Donostiako Parte Zaharrekoa. 21 urterekin ezkondu eta berehala haurdun geratu zen. Aitak ama lehenengo aldiz mendi puntara eraman zueneko, handik itsasoa ikusten zela eta. Beste behin Kakute mendira igotzerakoan, amak bidean esan zuena. Gurasoak eta lehengusua joaten ziren asko mendira, baita nagusitu eta gero ere. Beraiei ez zieten inoiz ezer esan bidaiatzearren. Orduan turismoa ez zen ohikoa eta ingurukoak kutsatu zituztela dio Maria Angelese.

**6. Praken gainetik gona jantzita mendira; leizeetara sartzeko zaletasuna**

- **Erref:** AZK-069/007
- **Iraupena:** 0:02:13. **Hasi:** 00:10:52. **Bukatu:** 00:13:05
- **Multimedia:** bideoa online ikusgai

**Gaia(k):**

- Aisia » Mendia eta hondartza » Mendizaletasuna
- Ohiturak eta bizimodua » Jantzi eta orraztu » Arropa eta oinetakoak
- Familia eta harremanak » Sexua eta generoa » Genero berdintasuna
- Aisia » Kirola » Beste kirol batzuk

**Laburpena:**

Azkoitiko mendizaleak abarketekin joaten ziren mendira. Neskak gona zuriekin. Prakak jantzi zituzten lehenengo emakumeak eurak izan omen ziren. Askotan praken gainetik gona jantzita irteten ziren etxetik, jendeak ezer ez esateko. Leize-zuloetan sartzea gustatzen zitzaien eta prakak praktikoagoak ziren horretarako. Aralarko leize-zuloan sartu zirenean, artzainak begira egon zitzaizkien.

**7. Tximinia garbitzaileak uzten zizkien eskalatzeko sokak**

- **Erref:** AZK-069/008
- **Iraupena:** 0:01:38. **Hasi:** 00:13:05. **Bukatu:** 00:14:43
- **Multimedia:** bideoa online ikusgai

**Gaia(k):**

- Aisia » Mendia eta hondartza » Mendizaletasuna
- Aisia » Kirola » Beste kirol batzuk

**Laburpena:**

Mendira joaten zirenean, pixka bat eskalatzea ere gustatzen zitzaion Maria Angelesi, batez ere rappela eginez jaistea. Euren bizilaguna tximiniak garbitzen ibiltzen zen eta hark uzten zizkien sokak. Amari ez zitzaion gustatzen eta ezkutuan eramaten zituzten sokak.

**8. Monte Perdidora igo zuen lehen emakume azkoitiarra**

- **Erref:** AZK-069/010
- **Iraupena:** 0:01:46. **Hasi:** 00:14:58. **Bukatu:** 00:16:44
- **Multimedia:** bideoa online ikusgai

**Gaia(k):**

- Aisia » Mendia eta hondartza » Mendizaletasuna
- Aisia » Kirola » Beste kirol batzuk

- Familia eta harremanak » Sexua eta generoa » Genero berdintasuna

#### **Laburpena:**

Mendizaletasuna herrian. Umeentzako kanpamentuak antolatzen ziren. Beraiek izan omen ziren herrian praka "babaroak" jantzi zituzten lehenak. Maria Angeles 1959an Monte Perdidora igo zen; lehenengo emakume azkoitiarra izan omen zen. Balaitus mendia ere igo zuen. Hasieran anaien laguntzarekin joaten ziren, baina gerora hiru ahizpak bakarrik. Inoiz ez zieten debekurik jarri.

### **9. Himalaiara joateko proposamena**

- **Erref:** AZK-069/011
- **Iraupena:** 0:01:17. **Hasi:** 00:16:44. **Bukatu:** 00:18:01
- **Multimedia:** bideoa online ikusgai

#### **Gaia(k):**

- Aisia » Mendia eta hondartza » Mendizaletasuna
- Aisia » Kirola » Beste kirol batzuk

#### **Laburpena:**

Maria Angelesi bere bulegoko gizonezko batzuek eurekin Himalaiara joateko proposamena egin zioten, baina ezetz esan zien. Beste behin, Chamonix-en zeudela, Mont Blanc-era igotzeko proposamena egin zioten.

### **10. On Domingo abadea, umeei "mamuxak" banatzen**

- **Erref:** AZK-069/013
- **Iraupena:** 0:01:23. **Hasi:** 00:18:47. **Bukatu:** 00:20:10
- **Multimedia:** bideoa online ikusgai

#### **Gaia(k):**

- Familia eta harremanak » Lagunartea eta familia » Umetako kontuak
- Ohiturak eta bizimodua » Erlijioa » Elizarekin lotutako pertsonak
- Familia eta harremanak » Lagunartea eta familia » Jolasak

#### **Laburpena:**

On Domingo abadeak "mamuxak" (pasak) banatzen zizkien umeei eta denak haren atzetik ibiltzen ziren. Umetako kontuak; non jolasten ziren.

### **11. On Domingo abadea, gizon ona**

- **Erref:** AZK-069/016
- **Iraupena:** 0:02:01. **Hasi:** 00:21:32. **Bukatu:** 00:23:33
- **Multimedia:** bideoa online ikusgai

#### **Gaia(k):**

- Ohiturak eta bizimodua » Erlijioa » Elizaren indarra
- Ohiturak eta bizimodua » Erlijioa » Elizarekin lotutako pertsonak

**Laburpena:**

On Domingo abadearen inguruko kontuak. Errezilen serora egondako izeba bat bizi izan zen beraiekin. Oso fededuna eta itxia zela diote. On Domingo goizeko sei eta erdietarako jauna ematera joaten zitzaion. Abadeak goizean goiz gaixoen arropak garbitzen zituen ibaian. Oso maitea zen herrian eta omenaldia ere egin zioten.

**12. Emakume asko neskame edo inude Espainia aldera**

- **Erref:** AZK-069/018
- **Iraupena:** 0:02:23. **Hasi:** 00:24:50. **Bukatu:** 00:27:13
- **Multimedia:** bideoa online ikusgai

**Gaia(k):**

- Lanbideak » Neskameak
- Familia eta harremanak » Lagunartea eta familia » Etxeko giroa

**Laburpena:**

Aitita katalana zen: Domenech. Amama eta ahizpa neskame joan ziren Bartzelonara eta bertan ezkondu. Neska asko joaten ziren neskame edo inude, euren umeak etxean lagata. Gaztelaniaz ez zuten tutik jakiten eta egoera gogorak bizi behar, nahiz eta normalean ondo hartzen zituzten.

**13. Erribera baserria**

- **Erref:** AZK-069/019
- **Iraupena:** 0:03:19. **Hasi:** 00:27:13. **Bukatu:** 00:30:32
- **Multimedia:** bideoa online ikusgai

**Gaia(k):**

- Familia eta harremanak » Lagunartea eta familia » Etxeko giroa
- Baserria » Baserriko bizimodua » Baserriaren historia eta kokalekua
- Ohiturak eta bizimodua » Erlijioa » Ohiturak eta sinesmenak

**Laburpena:**

Amamari Eustakia `Erribera´ esaten zioten, aita Erribera baserrikoa zuelako. Kukuherri auzoan dago baserria. Garai batean pobreenetakoa omen zen. Abadeak mendi puntatik baserria bedeinkatu zuela eta bertakoak zer erantzun eman zion.

**14. Esnegorriak Kataluniara bidali, han saltzeko**

- **Erref:** AZK-069/020
- **Iraupena:** 0:02:37. **Hasi:** 00:30:32. **Bukatu:** 00:33:09
- **Multimedia:** bideoa online ikusgai

**Gaia(k):**

- Aisia » Mendia eta hondartza » Mendiko bilketak

**Laburpena:**

Amama, Eustakia `Erribera`, Bartzelonara joan zen neskame eta han ezkondu. Amama tratulari ona zen eta hemengo pinudietan batutako esnegorriak ("robelloiak") Kataluniara bidaltzen zituzten, han saltzeko. Zergak ez ordaintzearren, iritsi baino kilometro bat lehenago trenetik botatzen zituzten perretxikoak. Beraiek ere biltzen zituzten, baina etxerako. Orduan eurak bakarrik jaten zuten perretxiko klase hori Azkoitian.

**15. San Andresetan Eustakia `Erribera´ren zozketa**

- **Erref:** AZK-069/021
- **Iraupena:** 0:01:48. **Hasi:** 00:33:09. **Bukatu:** 00:34:57
- **Multimedia:** bideoa online ikusgai

**Gaia(k):**

- Familia eta harremanak » Lagunartea eta familia » Etxeko giroa
- Aisia » Jai-giroa » Herriko ospakizunak

**Laburpena:**

Amamak, Eustakia `Erribera´k, zozketa postua jartzen zuen San Andres jaietan. Portzelanazko ontziak eta bestelako gaiak edukitzen zituen eta kartak banatuta egiten zuen zozketa. Amama emakume bizia zen eta kalean zebiltzan ume guztiak zaintzen ibiltzen zen.

**16. Familiako gozogintzaren hasiera amamaren erroskillekin**

- **Erref:** AZK-069/022
- **Iraupena:** 0:02:48. **Hasi:** 00:34:57. **Bukatu:** 00:37:45
- **Multimedia:** bideoa online ikusgai

**Gaia(k):**

- Ekonomia eta industria » Industria motak » Gozogintza
- Familia eta harremanak » Lagunartea eta familia » Etxeko giroa
- Herria, azpiegitura » Herri-antolaketa » Merkataritza, dendak (kokapena)
- Lanbideak » Negozioak, dendak

**Laburpena:**

Amama emakume bizia eta tratularia zen. Mendaroko lehengusuren bati mesedea egin zion eta hark trukean erroskillen errezeta eman zion. Hortik hasi zen amama erroskillak egin eta saltzen. Gerora, euren aitak ikasi zuen eta baita beraiek ere. Aitak karameluak eta "malbabiskoak" ere egiten zituen. Amamak ireki zuen familiako lehenengo denda. Hasieran sindikalisten etxe azpian zegoen. Mari Consuelo jaio zenean, 1938an, Kale Nagusiko 49. zenbakira pasa ziren. Cuenderena zen lokala.

**17. Donostiako Arrieta gestoriara lanera**

- **Erref:** AZK-069/026
- **Iraupena:** 0:01:10. **Hasi:** 00:41:23. **Bukatu:** 00:42:33
- **Multimedia:** bideoa online ikusgai

**Gaia(k):**

- Ekonomia eta industria » Emakumeak lan-munduan (etxetik kanpo)

- Lanbideak » Negozioak, dendak

**Laburpena:**

Maria Angeles 1960an Donostiara joan zen bizitzera, osabarena zen Arrieta gestorian hasi zen lanean eta. Espainiako gestoria inportanteenetakoa zen. Ordurako hogeitaka langile zituen. Arrietatarrek hainbat negozio zituzten Donostian: arropa denda, bitxitegia... Bitxitegia famatua zen.

## 18. Emakumeen eskubideen alde lanean

- **Erref:** AZK-069/027
- **Iraupena:** 0:03:14. **Hasi:** 00:42:33. **Bukatu:** 00:45:47
- **Multimedia:** bideoa online ikusgai

**Gaia(k):**

- Ekonomia eta industria » Langileen arteko harremana eta langile-mugimenduak
- Ekonomia eta industria » Emakumeak lan-munduan (etxetik kanpo)
- Familia eta harremanak » Sexua eta generoa » Genero berdintasuna
- Ekonomia eta industria » Lan-baldintzak

**Laburpena:**

Arrieta gestorian hogeitik gora langile ziren. Garai baten sindikatu bertikala zegoen. Aukeratzeko askatasuna izan zutenean, lankideek Maria Angeles aukeratu zuten sindikaturako, beti denen eskubideen alde jarduten zuelako. Behin nagusiari kontuak eskatu zizkion gizonezko bati berari baino gehiago ordaindu ziotelako. Emakumezkoei hainbat eskubide kentzen zizkieten eta berak horren aurka egiten zuen.

## 19. Emakumeak, langile finagoak

- **Erref:** AZK-069/028
- **Iraupena:** 0:01:35. **Hasi:** 00:45:47. **Bukatu:** 00:47:22
- **Multimedia:** bideoa online ikusgai

**Gaia(k):**

- Ekonomia eta industria » Emakumeak lan-munduan (etxetik kanpo)
- Familia eta harremanak » Sexua eta generoa » Genero berdintasuna

**Laburpena:**

Arrieta gestorian emakumezkoak gehiago ziren gizonezkoak baino. Bulegoetan emakumezko gehiago egoten zela diote, finagoak eta merkeagoak (gutxiago ordaintzen zitzaielako) zirelako. Gizonezkoak azkarrago entretenitzen direla beste kontu batzuekin diote. Lantokian enkarguak egiten zituen mutikoa hondarrez beteta etortzen zela kontatzen du Maria Angelesek.

## 20. Dendan ordutegirik ez; jendea zuzena egunkariak ordaintzen

- **Erref:** AZK-069/029
- **Iraupena:** 0:01:40. **Hasi:** 00:47:22. **Bukatu:** 00:49:02
- **Multimedia:** bideoa online ikusgai

**Gaia(k):**

- Ekonomia eta industria » Lan-baldintzak

- Aisia » Kultura » Irakurtzea
- Lanbideak » Negozioak, dendak

#### **Laburpena:**

Maria Angelesek goizeko zortzietatik eguerdiko ordu bietara lan egiten zuen Arrieta gestorian. Baina etxeko dendan ez zuten ordutegirik. Salvador, anaia, goizeko bostetan jaikitzen zen, bost eta erdietarako egunkariak iristen zitzaizkielako. Herrian lapur fama zuten batzuek egunkaria fin-fin ordaintzen zutela diote. Anaia hil zenean, Unidad egunkariaren aleak mahai gainean utzi zituzten eta alboan diru kutxa. Jendeak txintxo-txintxo ordaindu zuen.

### **21. Denerako denda zen eurena**

- **Erref:** AZK-069/030
- **Iraupena:** 0:02:04. **Hasi:** 00:49:02. **Bukatu:** 00:51:06
- **Multimedia:** bideoa online ikusgai

#### **Gaia(k):**

- Lanbideak » Negozioak, dendak

#### **Laburpena:**

<p>Euren dendak denerako balio zuela diote. Jendea dendara joaten zitzaien nor hil zen galdezka edo bestelako kontuak jakitera. Kanbioak eskatzera ere jende asko joaten zitzaien. Edozein ordutan azaltzen zitzaien jendea.</p>

### **22. Dendako banku famatua; denetarik saltzen zuten**

- **Erref:** AZK-069/031
- **Iraupena:** 0:01:44. **Hasi:** 00:51:06. **Bukatu:** 00:52:50
- **Multimedia:** bideoa online ikusgai

#### **Gaia(k):**

- Lanbideak » Negozioak, dendak

#### **Laburpena:**

Bikoteak zinemara joaten zirenean, batzuetan, umeak euren dendan uzten zituzten. Banku luze bat zegoen eta han egoten zen jendea eserita. Neska-mutil gazteak banku hartan eseri eta mahatsa jaten egoten ziren, kontuak esanez. Denetarik saldu izan dute: egunkariak, nobelak, fruta... Euren amama izan omen zen platanoak Azkoitira ekarri zituen lehenengoa.

### **23. Egunkari asko saltzen zituzten**

- **Erref:** AZK-069/032
- **Iraupena:** 0:01:19. **Hasi:** 00:52:50. **Bukatu:** 00:54:09
- **Multimedia:** bideoa online ikusgai

#### **Gaia(k):**

- Aisia » Kultura » Irakurtzea
- Ekonomia eta industria » Txanponak, diru-kontuak
- Lanbideak » Negozioak, dendak

#### **Laburpena:**

Egunkari asko saltzen zuten; larunbatetan 1000 ale. Azkoitiarrak irakurzaleak direla diote. Orduko egunkariak: "La voz de España", "Diario Vasco", "La

Gaceta del Norte"... "La voz de España" saltzen zen gehien. Zer prezio izaten zuten. Hileko lehen astelehenean garestiago.

## 24. Anaiaren lan ezbeharra

- **Erref:** AZK-069/034
- **Iraupena:** 0:01:01. **Hasi:** 00:55:43. **Bukatu:** 00:56:44
- **Multimedia:** bideoa online ikusgai

### Gaia(k):

- Ekonomia eta industria » Lan-baldintzak
- Ohiturak eta bizimodua » Kontakizunak eta sinesmenak » Gertaera izugarriak eta ezbeharrak

### Laburpena:

Anaiak Deustun ikasi zuen mekaniko elektrikari lanbidea. Forjas-en lantegi buru egon zen. Harreman oso ona zuen bertako langileekin. Bajan egon ostean, lanera itzuli eta istripuz hil egin zen. Ofizialki bihotzekoak jota hil zela esan zuten, baina jendeak ez zuen sinesten, mutil osasuntsua zelako.

## 25. Dendako erakusleihoan zinemako afixak eta albiste zatiak

- **Erref:** AZK-070/002
- **Iraupena:** 0:02:24. **Hasi:** 00:01:08. **Bukatu:** 00:03:32
- **Multimedia:** bideoa online ikusgai

### Gaia(k):

- Aisia » Kultura » Zinema
- Lanbideak » Negozioak, dendak

### Laburpena:

Zineko "koadroak" edukitzen zituzten dendako erakusleihoan. Pelikularen eszenen irudiak izaten ziren. Horren truke Olinpiako zinema dohain edukitzen zuten. Albiste interesgarriak ere erakusleihoan jartzen zituzten eta jende asko joaten zen haiek ikustera. Lehen euskalduna Everestera igo zenean, ospatu egin omen zuten.

## 26. Jendea ilaran zain, euren txurroak jateko

- **Erref:** AZK-070/003
- **Iraupena:** 0:02:21. **Hasi:** 00:03:32. **Bukatu:** 00:05:53
- **Multimedia:** bideoa online ikusgai

### Gaia(k):

- Aisia » Mendia eta hondartza » Mendizaletasuna
- Ekonomia eta industria » Industria motak » Gozogintza
- Lanbideak » Negozioak, dendak

### Laburpena:

Hasieratik saltzen zituzten gozokiak euren dendan. Txurroak ere egiten zituzten, hasieran etxean eta gero dendan bertan. Nola egiten zituzten. Valladolidetik ekarri zuten makina automatikoa. Erdaldunek "La Churrería" esaten zioten euren dendari. Goizeko meza ostean, jendea ilaran egoten zen zain. 11k aldera egoera baretzen zenean, mendira joaten ziren.

## **27. Anaitasuna Mendi Bazkuna; kuotak ahizpak jasotzen zituen**

- **Erref:** AZK-070/004
- **Iraupena:** 0:01:21. **Hasi:** 00:05:53. **Bukatu:** 00:07:14
- **Multimedia:** bideoa online ikusgai

### **Gaia(k):**

- Aisia » Mendia eta hondartza » Mendizaletasuna

### **Laburpena:**

Anaitasuna Mendi Bazkunaren kuotak Encarnita ahizpak jasotzen zituen dendan. Herriko mendizale onenaren izendapena eman zioten. Anaitasuna Mendi Bazkunaren sortzaileak. Hasieran lagun-talde bat zen. Gerora hasi zen elkarte indarra hartzen. Mari Lurdes ahizpak Mendi Bazkunaren ibilbidearen inguruko bideo bat egin zuen.

## **28. Maria Angeles hasi zen argazkilaritzarekin eta ahizpak jarraitu**

- **Erref:** AZK-070/006
- **Iraupena:** 0:02:29. **Hasi:** 00:09:37. **Bukatu:** 00:12:06
- **Multimedia:** bideoa online ikusgai

### **Gaia(k):**

- Herria, azpiegitura » Berrikuntzak » Aparatuak, objektuak
- Aisia » Kultura » Beste adierazbide batzuk

### **Laburpena:**

Maria Angeles, bera argazkietan ez azaltzearen, argazki kamera bat erosi eta argazkiak ateratzen hasi zen. Diapositibak egiten zituen. Anaiak Madrilgo "rastrotan" erositako kamera txiki batekin hasi zen 50eko hamarkadan. Maria Angelesek ahizpa gazteagoari pasa zion zaletasuna eta hura gero argazkietatik bideoetara pasa zen.

## **29. Anaitasuna Mendi Bazkuna; hasieran ibilaldi neurtuak, gero Zazpi Kurutze**

- **Erref:** AZK-070/010
- **Iraupena:** 0:03:14. **Hasi:** 00:14:08. **Bukatu:** 00:17:22
- **Multimedia:** bideoa online ikusgai

### **Gaia(k):**

- Aisia » Mendia eta hondartza » Mendizaletasuna

### **Laburpena:**

Anaitasuna Mendi Bazkunak kolpetik indarra hartu zuen eta ehundik gora bazkide egin ziren berehala. Urteko kuota ordaintzen zuten bazkideek. Encarnita ahizpak jasotzen zituen. Txangoak edo ibilaldiak antolatzeko gobernadoreari esan behar izaten zitzaion. Maria Jesusek egiten zituen paperak, Udalean lan egiten zuen eta. Hasieran ibilaldi neurtuak egiten hasi ziren. Nola antolatzen zuten. Geroago Zazpi Kurutze; hasieran lau urtetik behin egiten zen.

### 30. Umeentzako mendiko kanpamentuak

- **Erref:** AZK-070/011
- **Iraupena:** 0:04:26. **Hasi:** 00:17:22. **Bukatu:** 00:21:48
- **Multimedia:** bideoa online ikusgai

#### Gaia(k):

- Aisia » Mendia eta hondartza » Mendizaletasuna

#### Laburpena:

Anaitasuna Mendi Bazkunak umeentzako kanpamentuak antolatzen zituen, Larraskandan, Martirietan... Azkenengo egunean festa egiten zuten, jolasak eta bestelako ekintzak antolatuta. Begirale moduan nortzuk ibiltzen ziren. Kanpamentuei esker herrian mendizaletasuna bultzatze zela diote. Hernanitik etorritako talde batek behin laguntza eskatu zien. Haiekin izandako tirabirak.

### 31. Kakuteko gurutzea auzolanean jarria; dirua batzeko ekitaldiak

- **Erref:** AZK-070/013
- **Iraupena:** 0:03:54. **Hasi:** 00:23:04. **Bukatu:** 00:26:58
- **Multimedia:** bideoa online ikusgai

#### Gaia(k):

- Aisia » Mendia eta hondartza » Mendizaletasuna
- Aisia » Kultura » Musika

#### Laburpena:

Kakuteko gurutzea egiteko jaialdi bat antolatu zen. Jaialdian parte hartu zutenek ere sarrera ordaindu zuten. Mendizaleen korua Gabonetan eta Santa Agedetan ere kantuan irten ziren, dirua batzeko. Herri osoak parte hartu omen zuen, jaiero-jaiero, gurutzea eraikitzen. Kanpotik etorritako mendizaleek ere laguntzen zuten. Inaugurazioa egiteko, apezpikutzara joan zen Maria Angeles, meza eman zezaten eskatzera.

### 32. Zumaiko flysch-a bisitatzeko lehen ibilaldia

- **Erref:** AZK-070/017
- **Iraupena:** 0:01:46. **Hasi:** 00:31:18. **Bukatu:** 00:33:04
- **Multimedia:** bideoa online ikusgai

#### Gaia(k):

- Aisia » Mendia eta hondartza » Mendizaletasuna

#### Laburpena:

<p>Zumaian lehenengo aldiz flysch-a bisitatzeko txangoa antolatu zenean, Maria Jesus eta Mari Lurdes ahizpa gazteena joan ziren. Egunkarian iragarri zuten eta izugarrizko jende pila azaldu zen. Antolatzaileak beldurtuta geratu ziren. Mari Lurdesek dena grabatu zuen bideoz. Zer ibilbide egin zuten. Marea behean zegoela hasi zuten ibilaldia, baina bukatzerako batzuek busti egin ziren. Ibilbide gogorra izan zen. Gehiago ez zuten era horretan antolatu.</p>

#### Transkripzioa

- Maria Angeles: Zeana´re oso politte, hori guk bota giñuna, zea, Zumaikue.

- Maria Jesus: Flysch-ena .

- Flysch-e. Lehenengo aldixe ein zanin flysch-en eskurtsixue ta beaixek bildurtute geldiu zin.

- M.J.: Bai be, pediodikun anuntziau zebe-ta flysch-ea eskurtzitzue eingo zala. Ta han jun giñen haure ta ni, bixok. Zea... onbre...

- M.A.: Pelikule osue.

- M. J.: Ta jendie... jendie hilaxe juntau zan! Ta bildurtu ein zin Zumaiko jendie...

- M. A.: Bildurtuko ez zittunan, ba?

- M.J.: ... organizau zebe-nak. Ta baiño oso gogorra zala ta oso gogorra zala.

- Mari Consuelo: Oiñetako onak ber ziela ta zea ta...

- M. J.: Oiñetakuk-eta ber zala ta jendik iñok kasoik ez.

- M. A.: Ezta kasoik'e, danak ertetzeko pronto .

- M.J.: Gero hor ikusten da, baiñe... jendie...

- Hori lehenengo aldixe ein zana?

- M. A.: Lehenengo aldixe ein zana. Oin eitten debe /eittebe/ ya,...oin diferentie da, baiño baiño lehelengo aldixe ein zanin...

- Encarnita: Gaiñea, marea alta zauen ta jaisten...

- M. C.: Ez, aldrebeska, ixilik egon hai, marea baja zauen ta.

- M.A.: Marea baja, gero altatu.

- M.J.: Mendiz jun, ta...

- M.C.: Sakonetaa jeitsi...

- M.J.: Sakonetaa jeitsi eta handiken Zumaire flysch-etiken.

- M.C.: Itsasotiken.

- M.J.: Itsasotiken. Dexente gogor izen zan, baiñe batzuk geixki allegau zin.

- M.A.: Bueno... pelikulen ikusten den /ikusten/, pelikulie asko...

- M.C.: Aaa.. akabera hio-laxe eitten du /eitteu/ batek.

- M.J.: Ta geo, gaiñea, karo, marea baja. Porke haixek kontun hartu zebe-n urtin bajuna ordun zala ta egun hare aprobetxau zan hori eitteko. Ta ailleau giñeneako...

- M.C.: Ixotzen!

- M.J.: Karo, jendie nekau ta ya ure ya haitz-artetaa ure etortzen.

- Batzuk larri igual?

- Bai! Larri ez, baiño ba... ba... baiño gehixo ez zebe-n ein hola, e! Gehixo ez zebe-n ein. Ez zin atrebiu gehixo eitteik.

### 33. Goi-mendiko kanpamentuetara joaten ziren

- **Erref:** AZK-070/020
- **Iraupena:** 0:03:21. **Hasi:** 00:36:57. **Bukatu:** 00:40:18
- **Multimedia:** bideoa online ikusgai

#### Gaia(k):

- Aisia » Mendia eta hondartza » Mendizaletasuna

#### Laburpena:

Goi-mendiko kanpamentuetara joaten ziren. Maria Angelesek gogoan du behin Asturiasko mendietara joan zirela eta azkenengo egunean sagardo festa egin zela. Gaiteroekin argazkia atera zuten hiru ahizpek eta gero egunkarian azaldu ziren. "Las vascas" famatuak zirela dio. Katalunian kanpamentuan bizi izandako kontuak. Astebete irauten zuten. Neska bakarrenetakoak izaten ziren.

### 34. Neska bakarrenetakoak goi-mendiko kanpamentuetan

- **Erref:** AZK-070/021
- **Iraupena:** 0:02:26. **Hasi:** 00:40:18. **Bukatu:** 00:42:44
- **Multimedia:** bideoa online ikusgai

#### Gaia(k):

- Aisia » Mendia eta hondartza » Mendizaletasuna
- Familia eta harremanak » Sexua eta generoa » Genero berdintasuna

#### Laburpena:

Neska gutxi egoten zen goi-mendiko kanpamentuetan. Behin eskalatzaile famatu batek Maria Angelesi berarekin eskalatzera joateko proposamena egin nahi izan zion. Gizonek errespetuz tratatzen zituzten, sekula ez zitzairen asmo txarrik pasa burutik. Mendizaleen artean harreman oso ona zuten. Behin neska bat eurekin ibili zela kontatzen dute.

### 35. Lehenengo kanpin denda abarketen oihalarekin egin

- **Erref:** AZK-070/024
- **Iraupena:** 0:02:50. **Hasi:** 00:46:08. **Bukatu:** 00:48:58
- **Multimedia:** bideoa online ikusgai

#### Gaia(k):

- Aisia » Mendia eta hondartza » Mendizaletasuna

#### Laburpena:

Lehenengo kanpin denda abarketak egiteko oihalarekin egin zuten. Lehenengo gauean denda osoa jaso eta bera artean lo egon zela gogoratzen du Maria Angelesek. Gerora Frantzian eta Alemanian erosi izan zituzten kanpin dendak. Lo zakuak beti onak eduki izan dituztela diote.

### 36. Ahizpak antolatzen zituen bidaiak

- **Erref:** AZK-070/026
- **Iraupena:** 0:01:15. **Hasi:** 00:49:31. **Bukatu:** 00:50:46
- **Multimedia:** bideoa online ikusgai

#### Gaia(k):

- Aisia » Mendia eta hondartza » Mendizaletasuna
- Aisia » Oporrak

#### Laburpena:

Beti lasai lo egin izan duela kanpinean dio Maria Angelesek. Sekula ez zieten lapurretarik egin. Atzerrira joandakoan ondo konpontzen ziren, ahizpa gazteenak ingelesa eta frantsesa zekizkielako. Turismo ikasketak egin zituen eta hark antolatzen zituen bidaiak.

**Ahotsak.eus**-eko edukiarekin sortutako dokumentu automatikoa.

*2025-11-25*

**CC-by-sa | Ahotsak.eus**

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com